



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Mauritii Gudeni Historia Erfurtensis Ab Vrbe
Condita Ad Reductam**

**Gudenus, Johann Moritz von
Erfurti, 1675**

De Monte S. Petri Erfordiae moenibus cincto.

urn:nbn:de:hbz:466:1-11903

De Monte S. Petri Erfordiae monib[us] cincto.

THuringorum almæ mons leniter imminet Urbi,
Petre, Tibi priscâ relligione sacer.
Qui frenas quanquam septem de montibus orbem,
Est tamen ex uno sat, puto, gratus honos.
Eheu! da veniam, qui non nisi viderat aras,
Nunc habet en etiam mons Tuusarma viros.
At preme, quas præceps dolor & coquit ira querelas,
Arma, viri se se quo r[ue]antur habent.
Tu neq[ue] tractasti claves aut retia tantum,
Immiti cinctum cui latus ense fuit.
Cum monuit tunicam gladio mutare Redemptor,
Reppete, quis gladii, subdidit, ecce duo h[ic].
Tunc neq[ue] inermis eras, aurem cum flevit in horto
Malchus, scindere Tu tempora certus eras.
Quin rursum accendunt generosam gaudia mentem,
Quod segetem laudis jam Tuus ensis habet?
Petre, ades, ac iras accingere, & arma retracta,
Et quantum possis hac quoq[ue] parte, doce.
Adstrictum nudans scabriâ rubigine ferrum,
Monte Tuo pravos perde, tuere bonos.
Ferrum nuda, inquam: claves sic tutus habebis,
Et cœli, ac magnæ Claviger Urbis eris.

In Campanam ingentem quæ Erfordiae visitur.

HAc tibi qui transis licet urbe videre, viator,
Quo viso dicas: par nihil orbis habet.
Aut bimaris credes h[ic] æra recocta Corinthi,
Aut qui tanta Rhodo fama Colossus erat.
Moles vasta ingens, majorum relligione
Ad cœtus populum facta ciere sacros.
Haud Divum in coelo sermones Jupiter audit,
Cum sibi commensos edidit illa sonos.
Collabefit motu tellus, neq[ue] continet iras
Dis sentit toties dum sua regna quat[i].

Bis